

HIST. ZARINGO-BADENSIS. 305

XII.

JUDICII CURIÆ BASILEENSIS PUBLICUM  
INSTRUMENTUM DE JURIBUS MARCHIONIS HACH-  
BERGA ROETELANI IN VICO  
STETTEN.

A N N O M C C C C X L I V .

*Ex autographo archivi Bada-Durlacensis.*

**W**ir der Official des Bischofflichen Hofes zu Basel thund kunt al-  
len den die disen Brieff ansehent oder hörent lesen, das in  
dem Jar, da man zalt von Cristi Gepurt *tusend vierhundert vierzig und  
vier* Jare am Zinfstag nechst nach dem zwölfften Tag zu prime Zitte, sint  
vor vns als einer offnen bewerten Personon in Gericht vnd Gerichtswise  
gestanden und liplich gewesen, der Bescheiden Peter Gutlin Vogt zu  
Lörrach Constantzer Bystumbs in Namen als er sprach finer gnedigen  
Herrschafft von Roettellen &c. zu eim, vnd Jæckin, Schultheifs von  
Loerrach vnd Bürckin Schultheifs von Riechen gefessen zu minren Basel  
als Zugen in dieser nachgeschribnen Sache die ouch Zugnuffe in dieser  
Sach ze gebende kommen sint zu dem andern Teile vnd leite da der ob-  
genant Peter Gutlin in Namen finer Herrschafft von Roettellen vor vns  
für, vnd sprach, wie das die Hochegerichte des Dorffs zu Stetten finer  
Herrschafft zu Roettellen allewegen zugehört habent, vnd zugehören  
sollent, vnd sy ouch dere, als lang herkommen figent, in Gewalt vnd

*Cod. Dipl. P. III.*

Q q